

永樂大典

二

卷五千二百五十

永樂大典卷之五千二百五十二 十三蕭

遼 遼 控制諸國

契丹誌控制諸國 沙漠。控制沙漠之北。置西路都招討府。其地亦族衛。驢駒河統軍司。例捷備倚。鎮撫種。與蒙骨。連列諸軍。雲中路。控制夏國。置西南面都招討府。西京兵馬都部署司。金肅河清軍。五花城南北大王府。乙室王府。山金司。燕山路。備禦南塞。置燕京都總管府。節制馬步軍。控鶴指揮使。每統軍司。牛欄監軍。石門詳穩司。南北皮室司。猛機刺司。五詳總管府。中上京路。控制異境。置諸軍都府。保司。其王府大詳穩司。大國醫司。大常藥司。五院司。六院司。齊溫司。遼東路。控扼高麗。置東京兵馬都部署司。契丹兵漢渤海四軍都指揮使。保州統軍司。陽河詳穩司。金吾營。宋均司。長春路。鎮撫女真室韋。置黃龍府兵馬都部署。成州兵馬詳穩司。東北路都統軍司。論曰契丹之興。其盛如此。其亡也。思焉。惜哉。四至隣國。地里遠近。東南至新羅國。西以鴨綠江。東八里黃土嶺為界。至保州一十一里。次東南至五節度女真部族。共一萬餘戶。皆雜處山林。尤精弋

永樂大典卷之五千二百五十二

獵。有屋舍。居舍門皆於山墻下闕之。耕鑿與渤海人同。無出租賦。或遇北主任伐。各量戶下差充兵馬。回各逐使歸本處。所產人參。白附子。南星。菘菴。松子。猪苓。白布等物。並係契丹樞密院所管。差契丹。或渤海人。充節度管押其地。南北七百餘里。東西四百餘里。西北至東京。五百餘里。又次東南。至熟女真國。不屬契丹所管。其地東西八百餘里。南北一千餘里。居民皆雜處山林。耕養屋宇。與熟女真五節度同。然無君長。首領統押。精於騎射。今古以來。無有盜賊詞訟之事。任意遷徙。多者百家。少者三兩家而已。不與契丹爭戰。或居民等自意相率。賣以金。帛。布。黃蠟。天南星。人參。白附子。松子。密等諸物。入貢。北番。或只於邊上。買賣訖。却歸本國。契丹國商賈人等。就入其國買賣。亦無所礙。契丹亦不以為防備。西至東京。二百餘里。東北至生女真國。西南至熟女真國界。東至新羅國。東北不知其極。居民屋宇耕養。言語水漿。與熟女真國並同。亦無君長所管。精於騎射。前後屢與契丹為邊患。契丹亦設防備。南北二千餘里。以邊創築城堡。搬運糧草。差撥兵甲。屯守征討。三十年來。深為患耳。南界西南至東京六百里。又東北至屋恩國。阿里眉國。破骨魯國等國。每國各一萬餘戶。西南至生女真國界。衣裝耕種屋宇。與女真人言語異。契丹樞密院。差契丹或渤

海人。充逐圖節度使。管押無不出征。賦兵馬。每年惟貢進大馬。蛤蜊。青鼠皮。貂鼠皮。豚魚皮。密蠟之物。及與北番人。任便往來買賣。西至上京四千餘里。正東北至鐵離國。南至阿里有等國。界居民言語衣裝屋宇耕耨。稍通阿里等國。無君長。皆雜處山林。不屬契丹統押。亦不與契丹爭戰。復不肯進。惟以大馬。蛤蜊。鷹。鶻。青鼠。貂鼠等皮。豚魚皮等物。與契丹交易。西南至上京五千餘里。次東北至棘鴉圖。東北與鐵離國為界。無君長。統押。微有耕種。春夏居屋室中。秋冬則穿地為洞。深可數丈而居之。以避其寒。不肯進。契丹亦不爭戰。惟以細鷹。鶻。鹿。細白布。青鼠皮。銀鼠皮。大馬。膠魚皮等。與契丹交易。西南至上京五千餘里。又北至鐵離。喜失率國。言語衣裝屋舍。與棘鴉稍同。無君長。管押不肯進。契丹亦不爭戰。惟以羊馬牛。駝皮。毛。之。亦與契丹交易。西南至上京四千餘里。正北至蒙古里國。無君長。所管亦無耕種。以戈獵為業。不常其居。每四季出行。惟逐水草。所食皆肉酪而已。不與契丹爭戰。惟以牛羊。駝馬皮。鹿之物。與契丹為交易。南至上京四千餘里。又次北至于厥國。無君長。首領管押。凡事並與蒙古里國同。甲寅歲。曾率衆入契丹國界為盜。聖宗命駙馬都尉蕭徒欲統兵大破其國。遂使更不復為盜。惟以牛羊。駝馬皮。鹿之物。與契丹為交易。

水樂大典卷五千三百五十一

東南至上京五千餘里。又次北西至盤古里國。又西北。又次北。近西至連打國。各無君長。每部族多者三二百家。少者五七十家。以部族內最富。豪者為首領。不常厥居。逐水草。以戈獵為業。其婦人皆精於騎射。常與契丹爭戰。前後契丹屢為國人所敗。契丹主命親近為西北路兵馬都統。東者部兵馬十餘萬。防討亦制禦不下。自契丹建國已來。惟此二國為害。無奈何。番兵困乏。契丹常為所攻。如暫安靜。以牛羊。駝馬皮。鹿為交易。不過半年。又却為盜。東南至上京六千餘里。西近北。至生吐蕃國。又西至党項突厥等國。皆不為契丹國害。亦不進貢往來。蓋以熟土。渾突厥。党項等部族所隔。東南至雲州三千餘里。正西與西昊賊。黃河為界。西南至麟州府州界。又次南近西定州。北平山界。又南至霸州。城北界河。又次南至遂城。北鮑河為界。又南近東。至滄州。北海。又南至安肅軍。自瀾河為界。又南近東。至登州。北海。又南至雄州。北拒馬河為界。又南至海。連東邊遠。不記州十餘縣。二百餘外。見記五處。金肅。河清。曷童。五花。振武。諸藩臣。授下州二十三處。徽州。濠州。驪州。衛州。荊州。開州。隨州。和州。澄州。全州。義州。遂昌州。豫州。貞州。福州。蔡州。唐州。棗州。黑州。河州。茂州。

# 永樂大典

卷五二五二

楚州 宗州 南北刻饋禮物 契丹賀宋朝生辰禮物 宋朝皇帝  
生日北朝所獻刻絲花羅御樣透背御衣七襲或五襲七件紫青貂鼠翻  
披或銀鼠鴉項鴨頭納子塗金銀裝箱金花水晶帶銀匣副之錦緣帛被  
皮鞞金珠京皂白熟皮鞞細錦透背清平內製御樣合線樓機綾共三  
百匹塗金銀龍鳳鞞勒紅羅匣金線紡方鞞二具白楮皮黑銀鞞勒德鞞  
二具綠褐楮皮鞞勒海豹皮鞞白楮皮裏筋鞭一條紅羅金銀線紡雲龍  
紅錦器仗一副黃律皮爐楮皮弓一紅錦袋皂雕翎角龍頭箭十法漬  
法麵麵酒二十盞密山果十束檀梳漆清山果十春檀尺列山梨柿四束  
檀榛栗松子郁李黑郁李子麪囊榜梨堂梨二十顆麪梳糜梨十梳蒸  
菓白鹽十梳青鹽十顆牛羊野猪魚鹿腊二十二顆御馬六匹散馬二百  
匹 正旦御衣三襲鞞勒馬二匹散馬一百匹國母又致御衣軟珠羅表  
細錦刻絲透背合線御綾羅綺紗綾御樣果實雜抄腊肉凡百品水晶鞞  
勒新羅酒青藍國主或致戎器寶鏡及鸞禽日海東青之類承天節又遣  
庖人持木園果未前一日就禁中進食以進御云 宋朝賀契丹生辰禮  
物 契丹帝生日南宋遣金酒食茶器三十七件衣五襲金玉帶二條烏  
皮白皮二襲紅牙星齒或栗柏板鞞勒馬二匹樓復鞞副之金花銀器三

永樂大典卷五千五百五十一

三

十件銀器二十件錦綺透背雜色羅紗綾緞絹二千匹雜絲二千匹法酒  
三十盞的乳茶十斤岳麓茶五斤鹽蜜果三十罐菓果三十籠其國母生  
日約此數焉 正旦則遣以金花銀器白銀器各三十件雜色羅綾紗綾  
絹二千匹雜絲二千匹 宋朝勞契丹人使物件 契丹每歲國使人南  
來境來遣常來官內職各一人假少卿監諸司使以上接待內諸司供帳  
分為三商內臣主之至白溝驛賜設至貝州賜茶藥各一銀合至大名府  
又賜及畿境遣開封判官勞之又命臺省官諸司使館伴送於班荆館至  
都亭驛各賜金花銀酒器錦余褥朝見日賜大使塗銀冠帛羅禮冠衣  
八件金靴鞞帶烏皮鞞銀器二百兩絲帛二百匹副使皂紗折上中衣七  
件金帶象笏烏皮鞞銀器一百兩絲帛二百匹鞞勒馬各一匹其從人上  
節十八人各線散錦襖及衣四件銀器二十兩絲帛三十匹中節二十人  
各實照錦襖及衣三件銀器十兩絲帛二十匹下節八十五人各紫綺襖  
衣四件銀器十兩絲帛二十匹並加塗金銀帶上節中節人加絲鞞就館  
賜生餼大使抗粟各十石麪二十石羊五十法酒糯米酒各十盞副使抗  
粟各七石麪十五石羊三十法酒糯米酒各十盞承天節各別賜衣一襲  
遇立春各賜金塗銀鍍情勝春盤又命節帥就玉津園伴射弓賜來使銀

飾箭筒，弓一箭二十。其中的又賜窄袍衣五件，金束帶鞍勒馬在館過節。序則遣臣賜設，辭曰：長春殿賜酒五行，賜大使盤餐，暈錦窄袍，及衣六件，銀器二百兩，練帛一百匹，副使紫花羅窄袍，及衣六件，銀器二百兩，練帛一百匹，並加金束帶，雜色羅錦綾絹百匹，從人各加紫綾花絁綿袍，及銀器練帛，將發，又賜銀瓶合盒，紗羅等，又令近臣餞于班荆館，開封府推官錢于郊外，接伴大使副使，復為送伴，緣路累賜設。西京本末。上京太宗建，上京臨潢府乃大部落之地，離來州數十里，即行海岸，俯挹滄溟，與天同碧，窮極日力，不知所際，有訥都烏河，番語山為胡都，水為烏，其東北三十里，即長泊也，沙沙碛，過白馬淀，渡土河，亦云撞撞水，聚沙成墩，少人煙，多林木，其河遠平處，國主曾於此處過冬，又至木葉山，三十里許，有居人瓦屋，及僧舍。中京，承天太后建。中京之地，奚國王牙帳所居，奚本曰摩莫奚，其先東部胡宇文之別種也，窟居松漠之間，俗甚不潔，而善射獵，好為寇抄，其後種類漸多，分為五部，一曰辱紇，二曰莫賀弗，三曰契斤，四曰木昆，五曰室得，每部一十人為其帥，隨逐水草，中京東過小河，唱叶山道，北奚王避暑莊，有亭臺，由古北口至中京北皆奚境，奚本與契丹等，後為契丹所併，所在分奚契丹漢人渤海雜處之，奚有六節度，都省統領。

永樂大典卷五千五百五十一

言語風俗與契丹不同，善耕種，步射入山採獵，其行如飛，又契丹圖志云：奚地居上東燕，三京之中土，肥人曠，西臨馬，孟山六十里，其山南北一千里，東西八百里，連亘燕京西山，遂以其地建城，號曰中京。南京，太宗建，南京本幽州地，乃古冀州之域，舜以冀州南北廣遠，分置幽州，以其地在北方，陰幽也，東有朝鮮，遼東北有樓煩，白檀，西有雲中，九原，南有澤潞，易水，唐置范陽節度，臨制奚契丹，自晉割秦，建為南京，又為燕京，折津府，戶口三十萬，大內壯麗，地北有市，陸海百貨，聚于其中，僧居佛寺，冠於北宮，錦繡組綺，絕天下，膏腴，蔬蔬粟實，稻粱之類，靡不畢出，而桑柘麻麥羊豕，雉兔，不問可知，水甘土厚，人多技藝，秀者學讀書，次則習騎射，耐勞苦，石晉未割秦已前，其中番漢雜居，殊不相富，既燕城後，遠望數十里間，宛然如帶，回環，紛紜，形勢雄傑，真用武之國也。東京，太宗建，東京本渤海王所都之地，在唐時為黑水靺鞨二種，依附高麗者，黑水部與高麗接，勝兵數千，多號武古肅慎氏也，與靺鞨相鄰，東夷中為強國，所居多依山，水地，平曠，築土如堤，鑿穴以居，其國西北與契丹接，太祖之興，始擊之，立其子東丹王鎮其地，後曰東京，併合部，蓋初契丹有八部，族之大者，曰大賀氏，後分為八部，部之長，號大人，而常推一人為王，建旗鼓，以統八部。

每三年則以次相代。或其部有災疾，而畜牧衰，則八部聚議，以旗鼓立其次而代之。彼代者以馬元約如此，不敢爭。及阿保機，乃曰：中國之主無代立者，由是阿保機益以威制諸國，不肯代其立。九年，諸部共責誦之。阿保機不得已，傳其旗鼓，而謂諸部曰：吾立九年，所得漢人多矣。吾欲別自為一部，以治漢城可乎？諸部將許之。漢城在炭山東南，樂河上，有鹽鐵之利。乃後魏滑鹽縣也。其地可植五谷。阿保機率漢人耕種，為治城郭邑屋，市如幽州制。漢人安之，不復思歸。阿保機知衆可用，用其妻述律某，使人告諸部大人曰：我有鹽地之利，諸部所食，然諸部知食鹽之利，而不知鹽有主人，可乎？當來擒我。諸部以為然，共以牛酒會鹽地。阿保機伏兵其旁，酒酣伏發，盡殺諸部大人。復併為一國。東北諸夷皆畏服之。東都事略甚矣。中國之有夷狄也，蠻夷猶夏，見於堯舜之時。昆夷儼狁，見於文王之世。夫堯舜文王，帝王之盛也。夷狄猶未盡率服，則後世可知矣。在漢則有凶奴之強，而唐亦有突厥。回紇吐蕃之暴，漢唐尚然，則非漢唐又可知矣。太祖受命，夷狄畏威，不敢犯塞。太宗既下太原，乃移兵幽薊，自是有契丹之師矣。李繼瑋以靈夏之地歸吾職方，而繼瑋因以叛亂。至真宗之世，契丹直抵澶魏，真宗決策親征，一戰而勝，與之講好。子時結還亦死。德明請命。

永樂大典卷五千五百三

於是兩邊晏然。自三代漢唐以來，蓋未有也。寶元慶曆之間，元昊謀僭契丹生靈，北邊既已再和，而西師旋亦解嚴，且叛則討之，服則安之。此仁宗盛德大度也。神宗雄材大略，有開拓四夷之志，雖復地於熙河，尋敗師於靈武，逮至元祐，力主和戎之議，紹聖復建用兵之策。蔡京既收遼部，王黼謀取燕雲，馴致金兵擾我甸服，斷喪帝室，屠害生靈，而二駕俱北狩矣。可不痛哉！此其服叛去來，為中國利害者也。其它四夷，在祖宗時率皆慕義向化，且不為中國利害者，則皆闕而不書。遼國，即契丹也。蓋東胡之種，在潢水之南。本鮮卑之舊地也。自後魏以來，名見中國。初契丹之先，有一男子，乘白馬，一女子，駕灰牛，相過於遼水之上，遂為夫婦，生八男子，一男子，即大賀氏也。八子為八部。一日但利皆，二日乙室活，三日實活，四日納尼，五日瀕淺，六日內會，七曰集解，八曰奚，唱部之長。號大人，常推一人為王。得建旗鼓，唐光啓中，其王欽德，侵略魏，契丹室韋而役屬之。欽德表，諸部以耶律幹里少子阿保機代為王。阿保機強併八部為一部，乃僭稱皇帝，自號天皇帝。稱年曰神冊，龍德。天贊云。唐天成元年，阿保機死，德光立。二年，改元天顯，陷營平二州。晉高祖立，求援於德光，割幽薊十六州與之，乃以德光所居為上京臨潢府，幽州為燕京，幽都府，渤海國為東京，遼陽。

府天福三年。改元曰會同。國號大遼。開運四年。德光南牧度河。還至藥城。死。突欲之子兀欲立。名璟。改元曰天祚。自稱天授皇帝。立五年。以弑死。周廣順元年。德光子齊王述律立。名明。改元曰應曆。自稱天順皇帝。顯德六年。世宗復三關。述律喜。睦國人。自曰驢王。七年。與河東連兵。寇鎮定。恭帝命我太祖北征。俄聞太祖即位。驚曰。中國有英主矣。於是遁去。開寶二年。扈人因述律醉而殺之。兀欲之子明紀立。更名賢。改元曰保寧。自稱天贊皇帝。立時年九歲。七年。其涿州刺史耶律珠。以書遺雄州孫全興。乞備好。其書有云。臣無交於境外。言則非宜。事有利於國家。事之亦可。全興以聞。太祖命以書答之。遂遣其臣克妙骨謹思來聘。太平興國二年。復遣使來賀。太宗即位四年。改元曰乾亨。太宗征河東。遣使起居。隨寇石嶺間。以援太原。為郭進所敗。王師既平河東。遂北征。勒兵幽州而還。明年寇雄州。太宗復北征。師次大名。遂遁去。明紀立十五年而死。謚明孝成皇帝。有子三人。隆緒。隆裕。隆慶。梁王隆緒立。年十二。自稱天輔皇帝。尊母燕燕為承天皇太后。改大遼為大契丹國。燕燕專國政。以三萬騎來寇瀋美。擊敗之。月利月利等十一族。七萬餘帳。內附降者。又三千帳。獲羊馬萬計。八年。改元曰統和。諸將言契丹主切圖事。皆決於母。大將韓德讓。龍幸用事。國人嫉

水滸大興卷五十二百五十二

之。請來蒙以取燕薊。太宗以馬燕燕。熙寧二年。以天平節度使曹彬。將幽州道行營前軍出涿州。河陽節度使崔彥進。副之。馬軍都指揮使米信。將幽州西北道行營之師出雲中。代州觀察使杜彥圭。副之。步軍都指揮使田重進。將定州路行營之師出飛狐口。蔚州刺史諱延美。副之。忠武軍節度使潘美。將雲應襄朔州行營之師出馬門。雲州觀察使楊崇。副之。曹彬克固安城。又下新城。重進戰飛狐南。斬首五百級。美攻寰州。降其刺史趙彥文。克涿州。美進圍朔州。其節度副使趙希贊。以城降。虜萬騎來援飛狐。重進大破之。擒其大將大鵬。冀州刺史馬麟。馬軍都指揮使何万通。又戰涿州南。斬首千餘級。殺宰相。駕斯美。遂圍應州。其節度副使艾正。以城降。重進攻飛狐。下之。又下虛丘。美克雲州。吐渾節度副使竟承德。來降。重進圍蔚州。押牙李存璋等。以城來降。潘美已下。寰朔雲應。重進得山後要害之地。曹彬之將。聞美等屢勝。自以領重兵而功少。遂欲微功。彬不得已。果五十日糧。再趨涿州。且行且戰。歷二十日。始至城下。屬盛夏。士卒疲乏。不能進。還至岐溝。契丹驍戰。王師遂敗。彬宵涉拒馬河。營於易水之南。彥進回軍。亦為契丹所敗。因詔美部還雲應。襄朔四州之民五萬戶。及其吐渾突厥三部落。安慶等族八百餘帳。分處河南。既而燕燕與其大臣耶律

# 永樂大典

卷五二五二

漢寧。南北皮室。及五押場。隱泉十餘萬。陷棗州。楊業與戰于味家谷。死之。是歲寇易州。又寇代州。四年。復寇三關。瀛州帥劉延讓戰于君子館。敗虜。先鋒賈令同高陽將楊重進。死之。遂陷易州。又寇定遠軍。端拱元年。寇滿城。大將郭守文。李繼隆等。與戰于唐河。敗之。斬首萬五千級。獲馬萬匹。繼隆部送糧。某入威虜軍。為虜將于越。邀戰。巡檢使尹繼倫。襲破于唐徐二州之間。殺其大將皮室于越。遂遁去。虜將韓德威。率數萬騎。誘党項。勒浪鬼。族木六大首領。馬尾等。自振武入寇府州。折御卿大敗其衆于河漢。勒浪等族。反攻其後。虜衆大潰。死者什六七。於是勒浪等族。悉款塞內。附至道元年。寇雄州。何承矩敗之。梟鐵林大將一人。咸平二年。大寇鎮定。真宗親征。次大名。知府事折御昌等。引兵入五合川。破技黃大尉峇。三年。寇瀛州。高陽帥康保裔。戰于裴村。死之。大將范廷召。追擊於莫州。斬首萬餘級。奪其所掠老幼數萬。真宗還京師。復寇威虜軍。何承矩。自雄州界河。率師攻平州。以奪其勢。鎮定行營帥王顯等。亦以大軍至。遂破虜二萬餘衆。斬統軍鐵林等十五人。六年。復寇定州。鎮定。高陽關三路帥王超。敗之于望都南。既而虜衆數萬至。副帥王惟忠。戰于原林。陷馬。景德元年。舉國大入。分寇威虜。順安軍。又寇北平。總管田敏等。破之。又寇定州。駐陽城淀。假

永樂大典卷五千二百五十一

七

王繼忠為書。抵莫州。請和。真宗謂宰相畢士安等曰。和戎之利。自古有之。然夷狄。變詐。未可信也。士安等曰。比來降虜。皆言國中。恐陛下。復有幽燕之舉。又說。氣屢挫。而退歸無名。其請和固不為疑。於是遣右班殿直曹利用。持書答之。然虜益進攻。圍瀛州。利用至大名。而知府事王欽若。留不遣。真宗北征。繼忠又奏契丹兵。不敢劫掠。以待王人。而王人不至。乃詔欽若。遣利用。虜復進兵。陷德清軍。攻澶州。伏弩發射。殺其貴將。順國王。健覽。遂大潰。利用乃與其飛龍使韓杞。見行在。議盟。又遣右監門衛大將軍姚柬之。獻御衣飲食。真宗御行宮。而燕從官。召束之。與因遣使。交馳誓書。真宗謂輔臣曰。初欲令石晉。楊延節。遠其歸路。而以精兵。踵其後。腹背擊之。可無慮類矣。然兵連禍結。何時已哉。故徇其請。以休息天下之民。若彼自渝盟。以順代逆。覆亡之。殆未晚也。明年。今雄霸州。安肅軍。置榷場。以通其貿易。自是交遣使。賀生日。及正旦。歲以為常。仍遣以銀絹三十萬。又明年。其國人。上燕燕號。曰睿德神略。應運。啓化。法道。儲仁。聖武。開統。承天皇太后。上隆緒曰。洪文宣武。至德廣道。孝皇帝。置中京于七金山下。其地本英王牙帳也。大中祥符元年。號阿保。楨廟曰太祖。德光曰太宗。璟曰世宗。明曰穆宗。賢曰景宗。明年。燕燕歸政于隆緒。未踰月而卒。燕燕姓蕭氏。宰相恩



溫之女。有機謀。善取左右。大臣多得其死力。先是蕃氏歐漢人死者。償以牛馬。漢人則斬之。仍以其親屬為奴婢。燕燕一以漢法論。每戎馬南入。親被甲胄戰。及通和亦出其謀。然天性殘忍。多殺戮。與耶律隆運通。遣人殺其妻。又幸瑩工。迎望娘。有私謀。其醜者。輒殺之。隆緒畏莫敢言。既卒。謚曰宣獻。年五十七。隆運即韓德讓也。事明記為樞密使。兼行營都統。明記疾亟。諸子幼。大臣握兵在朝。隆運不俟召。率其親屬赴行帳。白燕燕分其兵權。明記卒。乃立隆緒。奉燕為皇太后。隆運既幸于燕燕。又以策立功。為司徒。政事令封楚王。賜姓耶律氏。改今名。又拜大丞相。善漢樞密使。南北而行。營都統。徙封齊王。隆緒親書鐵券。以賜之。遷尚書令。徙晉王。賜不拜。乘車上殿。置護位百人。護法。惟其國主得置之。隆緒以父事隆運。日遣其弟隆慶。隆裕。一問起居。隆運既卒。與燕燕同移。而并無子。以隆裕子周王宗業為後。初燕燕死。隆緒聞。發而隆慶。燕燕。國人多附之。又繕甲兵。遣親信以私書交結貴臣。隆緒常召之。辭以避暑不至。其親信錄其書。抵雄州。且言隆緒不能殺隆親族。國人皆思歸漢。真宗救遣吏勿報。五年。改元曰開泰。隆緒自遼陽伐高麗。為其所敗。將士沒者過半。天禧五年。改元曰太平。真宗崩。仁宗遣使告哀。隆緒即集蕃漢臣。舉哀號慟。謂其宰相呂德懋

水樂大典卷五十二百五十一

曰。與南朝約為兄弟。垂二十年。今忽報登遐。吾雖少兩歲。願餘生幾何。因復大恸。又曰。聞嗣皇帝尚少。恐未知通好。始末首為臣下所聞。奈何。又謂其妻曰。汝可致書大宋皇太后。使汝名傳中國。遂令燕京惘忠寺置真宗靈御。建道場百日。又令國中有犯真宗諱。悉令易之。隆緒病。召東平王蕭孝穆。上京留守蕭孝先。使輔立其子。木不孤。而無夫朝廷信誓。死于大奔河。年六十一。立五十年。廟號聖宗。其妻曰。齊天皇后。妃曰。順聖元妃。齊天。平州節度使蕭悛思之女。耶律隆運之甥。有容色。隆緒寵愛之。事其姑燕燕甚謹。燕燕亦以隆運故。深愛之。燕燕既死。乃與國事。權勢日盛。置官闈。司補官。屬出教命。號仁慈。聖齊天彰德皇后。齊天善彈琵琶。與樂工燕文顯。李有福。通元妃。以白隆緒。隆緒不納。又為蕃書投隆緒寢中。隆緒得之。曰。此必元妃為之也。命焚之。隆緒死。木不孤立。木不孤。隆緒第八子。名宗真。母即元妃也。以遺令立齊天為皇太后。元妃為皇太妃。元妃匿之。自為皇太后。令人誣告齊天謀反。坐死者百餘人。以小車載后。囚于上京。未幾。廢殺之。太后總軍國事。改元曰景福。明年。又改曰重熙。加號法天皇帝。太后多殺其功臣。專用其兄弟。分監南北蕃漢事。至其家奴。投團練觀察節度使四十餘人。幽人無賴者。往往願為蕭氏奴。初宗真嘗以酒一器。賜琵琶

邑樂工。蕭氏怒乃加朴簍。宗真疑內品所告。陰遣人殺之。乃下吏雜治。宗真語人曰。我貴為天子。與四同谷。內不平。景祐元年。率兵逐其母。以黃布車送至慶州。使守隆緒墓。授永興軍都統高常哥。及內侍數十族。命內軍都提點王繼恩。內侍都知趙安仁。監南北。而蕃漢臣寮。明年加號文武仁聖昭孝皇帝。後遊獵過祖州北山。見齊天象。泣下。初隆緒將死。謂宗真曰。皇后事我四十年。以其無子。故命汝為嗣。我死。汝母子毋殺之也。宗真追感其言。命改葬于阿保城墓之旁。其國人有勸迎其母以觀朝廷威聘之物。又一日。內道場命僧講報恩經。感悟。遣使迎至中京門外館。擇日相見。遂為母子如初。加號法天應運仁德章聖皇太后。然出日合止。相距常十里。以陰備之。慶曆二年。聞趙元昊辱遣蕭美。劉六符。來請石晉所割瓦橋關南十縣。以富弼。張茂實。往報。許歲增銀絹二十萬。語在弼傳。明年加號聰文聖武英略睿哲仁孝皇帝。上母儀。儀天體道至仁廣德慈順章聖皇太后。皇祐元年。來告西征。明年來告捷。又遣使齎其畫像來。且言兩國交勸。而未嘗識面。因請御容。許之。未及往而死。宗真立。凡二十五年。年四十三。謚曰大成皇帝。廟號興宗。宗真常與教坊使王從韜十數人。結為兄弟。出入其家。或拜其父母。常夜宴。與劉四端兄弟。及王綱等數十人。入樂隊。

命后妃易衣為女冠。后父蕭唐。凡言漢官皆在此。后妃入戲。非所宜也。宗真擊碎后父首曰。我尚為之。若女何人也。聞嘗變服入酒肆寺觀。七重浮圖。法僧有拜三公三師。兼政事令者。二十八人。左右所親信。多擢為將相。宗真死。洪基立。嘉祐二年。遣使求御容。以為後世子孫之誇議者。慮有厭勝之術。仁宗曰。朕待之厚。豈有此理哉。遣御史中丞張昇送之。洪基具儀服迎謁。及見御容。驚肅再拜退。而謂左右曰。中國之主。天日之表。神異如此。真聖人也。我若生在中國。不過與之執鞭。蓋為一都虞候而已。其畏服如此。治平二年。洪基改元曰咸寧。二年。改國號大遼。至熙寧七年。遣蕭禧來言代北對境有侵地。請遣使同分畫。神宗許之。遣太常少卿劉忱為使。祕書丞呂大忠為副。已而大忠丁家難。有詔起復。忱對使殿奏曰。臣受命以來。在樞府。致核大據。未見本朝有尺寸侵虜地。臣既辱使指。當以死拒之。忱出疆。神宗手敕曰。虜理屈則忿。卿姑如所欲與之。忱不奉詔。洪基又遣蕭禧來。神宗遣中使賜韓琦。富弼。文彥博。曾公亮。詔曰。朝廷通好北虜。幾八十年。近歲以來。生事彌甚。代北之地。素無定封。故遣蕭禧。安未理辨。比敕官吏。同加案行。雖圖藉甚明。而詭辭不服。今橫使復至。意在必得虜情。無厭。勢恐未已。萬一不測。何以待之。古之大政。必咨故老。卿其具奏。琦

言虜人見形生疑。引先發制人之說。又不可謂虜形勢已衰。幽薊可復。宜遣使報聘。厚其禮幣。如河北置三十七將。此深有益。疑之形者也。謂宜罷之。以釋虜疑。弭言。朝廷諸邊用兵。虜所以先期未釐。不若委遣臣詰而廉備之。來則密去則備。親征之謀。未可輕舉。且選人報聘。虜藉吾歲賜。方能立國。豈無欲安靜之理。彥博言蕭禧之來。欲以北亭為界。緣慶歷西事未平之時。未求黃嵬之地。容易與之。中國禦戎。守信為上。必以誓書為證。若萌犯順之心。當豫備邊使。戰勝守固而已。若集幽燕。恐將噬臍。公亮言是狄畏強侮弱。故要控制得術。嘉祐間。夏國妄認同家堡為界。延州驛問邊圍大順。寇遁不已。絕其歲賜。方始懇求帖服。今待虜人極包容矣。不使知懼。恐未易馴服。控制之術。毋使倒持。夷狄知中國之不可窺。則姦謀自息矣。時劉悅。呂大忠。勢不可與執政。知不可奪乃罷。悅許大忠終制。於是王安石曰。將欲取之。必用與之。以革盡其地。圖以天章閣待制韓琦。奉使盡舉與之。蓋東西棄地五百餘里。紹聖三年。改元曰昌壽。洪基號聖文神武。全功大略。聰仁孝惠。天祐皇帝。在位四十七年而死。定中靖國元年也。洪基廟號道宗。其孫延禧立。遼國延禧。號天祚皇帝。改元曰乾統。女真有俊禽曰海東青。次曰玉瓜駿。俊異絕倫。一飛千里。非鷹鸞鵠鴉之比。延禧縱

延失道。荒于攻獵。喜此二禽。善捕天鵝。命女真國人過海詣深山窮谷。搜取以獻。國人厭苦。遂叛。政和元年。延禧改元曰天慶。遣內侍童貫為國信使。遼之君臣相聚。指笑曰。大宋乏人材如此。遣一腐夫為奉使官。何邪。貫回至蘆溝河。有燕人馬植者。北朝大族也。行污而內亂。燕人不齒。乃夜見童貫侍者。自陳有滅燕之策。貫召見。大奇之。因擁以歸。易姓名曰李良嗣。薦之于朝。沒加顯擢。又賜姓趙氏。是時遼與女真交兵。已四五年。良嗣獻策曰。女真恨遼人切齒。又其主天祚淫荒失道。本朝若遣使自登萊州涉海。結好於女真。不一月可到。與之相約。夾攻遼國。則其國可圖也。議者以謂自祖宗以來。雖有此海道。然以其地遠。接諸蕃。禁商族舟船。不許通行。幾二百年矣。恐夷人窺伺中國也。貫不聽。乃遣登州都巡檢馬政與良嗣往使女真。約夾攻遼國。馬政本熙何人。其子擴慮武舉。有口舌。令隨父使女真。相約滅遼國之後。中分其地。會大臣有力事者。遂已。宣和三年。延禧改元曰保大。四年。延禧悉國中兵與女真大戰。而大敗。遂陷上京東京。延禧徙燕京。女真又以精兵攻之。延禧哀殘。眾與之接戰。復大敗。與其子趙王。梁王。遂奔于北界不毛之地。由漢陽嶺入夾山。初。延禧留宰相張琳。李處溫。與秦晉國王溥。守燕。延禧入夾山。國人無主。處溫與其國人謀立

永樂大典

卷五二五二

溥。溥廷禧叔也。宗真之孫。洪基之妹。初洪基因其子濟。欲立溥為儲。或不果。已而立廷禧。溥守燕十二年。人號燕王。又謂之卑相大王。處溫等。隨燕京。數萬人。入燕王府勸進。唯張琳有難色。曰。居攝可矣。何必為真。處溫曰。天意人心如此。尚可易邪。溥出。還以縑衣被之。遂即位。以處溫守太尉。左企弓。守司徒。曹義勇。知樞密院。廣仲文。參知政事。張琳守太師。十一日一朝。平章軍國大事。雖外以元老尊之。實處溫不欲其在上也。溥號天錫皇帝。改保大二年。為建福元年。廢廷禧為湘陰王。遼國自此分矣。童貫知廷禧失圖。乃請兵北伐。徽宗以貫為河北河東宣撫使。引兵北向。徽宗以三策付貫。如燕人悅而從之。因以復舊疆上也。如耶律淳納土稱藩中也。如燕民未即悅服。按兵巡邊。全師而還下也。貫用劉幹。宇文。黃中。為參謀。程唐。王序。為轉運使。而掌行文書者。李宗振也。宗振本曹州刀筆吏。姦滑而善弄文。自陝西州邊。貫倚為腹心。貫雖有文士為幕屬。而裁決機務。一委宗振。貫又起兵於陝西。引種師道為都統制。師道宿將也。以此舉為非。而貫不聽。貫聚兵于雄州。以五月中旬。命種師道與知雄州和統兵五萬屯於白溝。溥遣蕭幹引精兵二萬。及常勝軍迎敵。幹本真人。善騎射。不常統軍。與渤海。奚人。漢人。四色軍馬。號四軍大王。幹引軍持師道右軍。右軍潰。又

永樂大典卷五二五二

十一

犯左軍。左軍驚擾。師道遣揚可世率統銳五千入過橋北。擊連之中軍。連軍乃回。而揚可世身被重創。師道軍已退。遂引軍夜遁。黎明蕭幹以騎兵五千尾擊之。師道與說度河而走。徽宗以燕前未可下。乃詔班師。溥以書責貫。輒敗祖宗信誓。於盛夏之月。舉無名之師。已為吾擊退。今欲如何。貫不能對。會溥已病。廷禧自夾山傳徵天德雲內等州。會諸蕃五萬騎。約以八月入燕。李處溫。蕭幹等。議曰。莫若迎泰拒相。相者廷禧。而泰者廷禧次子也。今百官從吾議者。東立獨。南面行營都統耶律寧越。西。處溫問其故。對曰。若天祚果能興復。力足舉燕。是天數。何以拒之。如其不然。泰相父子也。今迎子而拒父。豈理也哉。處溫奏曰。寧推衆請誅之。溥撫几歎曰。此忠臣也。豈可殺之。天祚果能來。吾有死而已。將何辭以相見。廷禧兵出漁陽。崩。僅復豐惠等州。又為女真所敗。其元妃諸王。皆被虜。再弄夾山。溥疾馬。乃授李處溫。蕭幹。漢馬步軍都元帥。欲以後事托之。蕭幹大石林牙等言。處溫。侍翊戴之功。輕侮僚屬。若令授此職。吾輩得以安乎。乃矯詔召宰相左企弓。曹勇義。廣仲文。原公弼等。以待病為名。共議此事。獨處溫不至。而處溫陰聚武勇二千人。從間道乞王師為援。是夕溥卒。秘不發喪。蕭幹會百官于毡場。議。宣言曰。今上無嗣。欲立皇后蕭氏。權主軍國事。奉迎天祚次

于秦王為帝。從吾議者書之。群臣無敢異者。蕭后遂即位。改建福元年。為德興元年。蕭后有淳妻。秦晉國妃也。以幹有援立功。封為越王。乃召處溫欲斬之。處溫來。后以時方多艱。不欲誅大臣。但毀其元帥宣劄而已。延禧聞淳死。下詔奪其官封。妻蕭氏降為庶人。貫聞淳死。駐兵敗。思立功以報天子。謂遼國既無主。有隙可乘。復自莫州回雄州。奏乞益兵。王黼為太宰。力主再興師之議。為貫大發陝西將兵。及廊延路副總管劉延慶赴貫。戰下。期九月會于三關。貫與蔡攸謀再舉。會女真已破雲中府。扣居庸關。勢已盛。改號大金國。乃移文於貫。詰問元約。夾攻遼國。何為背約不進兵。貫恐懼。遂定議大舉。常勝軍者。領郭藥師叛。以涿州來降。易州聞涿州降。亦降。蕭幹聞王師再舉。竟自燕來涿州。藥師疑幹圖己。使人諭之。幹怒曰。吾嘗為爾於朝。豈可背邪。藥師乃不敢加害。幹亦慮禍及身。遽起。啟鑰而去。幹見蕭后俯伏侍罪。蕭后曰。卿與諸將。早為措置。收復涿易。多方招誘。善之善也。蕭后既失涿易州。又聞貫攸益兵欲舉。金人夾攻燕薊。知不能立國。乃遣使韓琦。齎表詣貫以降。願稱臣。貫攸不納。坊謂貫攸曰。女真人面獸心。貪狼如豺狼。豈可與之為隣。他日必悔。大朝不要錯貫攸叱曰。遂以十月進兵。命劉延慶為都統制。統兵十萬。自白溝入界。令郭藥師為

水滸大典卷五十五

選鋒。延慶行至良鄉。蕭幹率萬人迎擊。延慶與戰不利。遣大將高世宣。與藥師入燕山。蕭幹留精兵三千人在城中。與藥師巷戰。藥師敗走。世宣死之。藥師徑走涿州。延慶聞敗。亦棄大將旗鼓而走。是歲金國主阿骨打。以銳兵入居庸關。曠時至燕京。蕭后聞居庸關守失。夜率蕭幹等。并老幼出城。聲言迎敵。實出奔也。蕭后欲歸我以求全。未果。而金國遊騎已至城下。統軍蕭乞信。開啓夏門納金人。於是左企弓。虞仲文。曹勇義。劉彥宗。并蕭乞信等。皆降。蕭后奔松亭關。與大臣共議所向。大石林牙。遼人也。欲歸天祚。蕭幹。奚人也。欲歸奚王府立國。有蕭初。遼之婿也。曰。今日圍合。歸天祚。然胡顏見之。大石林牙怒曰。爾敢異議耶。即斬之。令軍中曰。此不欲歸天祚者。於是遼人與奚人。列陳而分。遼軍從蕭后。與大石林牙。趨火山。歸延禧。延禧斬蕭后。而赦大石林牙。奚人與渤海軍。從蕭幹。留奚王府。遂僭號大奚國。稱神聖皇帝。改元曰天嗣。阿骨打死。童貫。蔡攸。帥師入燕。撫定。奚人亂。幹領眾出盧龍嶺。攻陷薊州。寇掠燕城。王安中為燕山宣撫使。命郭藥師領兵破之。大戰于奉山。獲郭律德光。尊號寶檢。契丹塗金印。幹既大敗。奚渤海軍皆失其寨。歸怨于幹。其部白得哥。故之。傳首京師。特宣和六年也。延禧侍大石林牙。七十餘騎。又陰結鞬鞞。毛禡。室韋。三萬騎助

之。延禧謂中興有日。欲搗山後之虛。復燕雲地。林牙諫曰。不可。自車駕奔  
火山。不能一戰。今舉國為金人所有。乃欲嬰其鋒。非計也。不如蓄銳待時。  
無輕舉。延禧不聽。林牙稱疾不行。延禧彊率諸軍出火山。越漁陽嶺。取天  
德軍。東勝寧遠雲內等州。南侵武州。遇金人兀室。兀室陷山西漢兒鄉。  
兵馬前驅。以女真千餘騎伏山間。乃出。鞭粗等顧之。大駭而潰。兀室遣妻  
室字重。領五百騎擊之。延禧跳身投夏國。未至。伏發。兀室下馬蹠于延禧  
前曰。奴婢不佞。乃以介冑犯皇帝天威。死有餘罪。因奉觴而進。遂為兀室  
所擒。削封海瀕王。送長白山東。築城居之。後踰年而卒。遼國自阿保機初  
業。德光恢復靡疆宇。其後併吞諸蕃。割據漢界。南北五千里。東西四千里。子  
孫相繼二百餘年。嘗與中國抗衡。曾無一日秋毫之警。至延禧失道。金人  
稱兵。首尾攻戰。十有六年。卒以亡國云。臣稱曰。昔尹洙之叙燕。曰。戰國世  
燕最弱。二漢叛臣。恃燕扶虜。幾能自固。以伯主之強。卒制於末氏。獨慕容  
乘石虎亂。乃并趙。雖勝敗異術。大槩論其強弱。燕不能加趙魏。趙魏一則  
燕固不敵。唐三盜連衡百餘年。虜未嘗越燕侵趙魏。是燕獨能支虜也。自  
燕覆于虜。虜日熾大。顯德世雖復三州。尚未盡燕南地。國初虜與并。合勢  
益張。然止命偏師備禦。王師伐蜀伐吳。秦然不以西河為顧。是趙魏足以

永樂大典卷五千二百五十二

三

制虜明矣。并冠既平。悉天下銳。專力於虜。不能擾尺寸地。嘗以百萬衆駐  
趙魏。訖敵退。莫敢抗。世多咎其不戰。然我衆負城有內顧心。戰不必勝。則  
事至矣。故不戰未嘗咎也。原其弊。在兵不分。設兵分為三壁於爭地。犄角  
以疑其勢。設覆以待其進。邊壘素固。驅民以守之。俾其兵頓堅城之下。乘  
間夾擊。無不勝矣。蓋兵不分有六弊。使敵蓄勇以待戰。無他措。一也。我  
衆則士怠。二也。前世有善將兵者。必問才。知能將我何。今以中材置主之。  
三也。大衆陳北。彼遂長驅。無復顧忌。四也。重兵一屬。根本虛弱。敵人易以  
于。五也。委大柄。不無致惑。復命責臣。監督進退。皆由中御。失於應變。六  
也。兵分則畫易其弊。是其六利也。且勝敗兵家常勢。悉內以擊外。夫則舉  
所有以素之。符堅肥水。哥舒潼關。是也。則制在謀。不在衆矣。以趙魏燕南。  
蓋以山西民足以守。兵足以戰。分而帥之。將得專制。孰使偏師挫也。衆  
尚奮。詎能敵國家安危哉。師覆于外。而根本不強者。善敵也。昔者六國有  
地千里。即敗于秦。散而復振。數百戰。猶未及其鄰守國之固也。陳勝項梁舉  
關東之衆。朝敗而夕滅。新造之勢也。以天下之廣。謀其國不若千里之固。而  
冀新造之勢。徵幸於一戰。庸非惑哉。今兵久弛。士大夫謂聖言。謂百世不復  
用。非妄也。不談。然兵果廢。則已。設後世復用之。鑒此少以悟世主。改述其勝

敗焉。李清臣亦有言。臣使雲中道。派幽媯。愛其形勝。每私自歎息。恨其  
為夷狄。有自石晉。以十三州。賂契丹。凡漢唐所以御夷狄者。反為彼用。非  
契丹實強。中國亂也。我夫其地。而累朝不能復。以天下之大。而乘馬。膏  
寇盜之至。非特人謀弱。亦地形然也。烏虜。真宗以禮幣。結隆緒。仁宗以信  
義。懷宗真。聖人一視同仁。兼愛南北。蓋如此。至延禧立。乃改游無度。虐用  
其衆。喜海東青。以傳天鵝。好樂無厭。遂以覆國。書曰。內作色荒。外作禽荒。  
其延禧之謂聰。連史宗。宣傳義宗名。倍。小字圖欲。太祖長子。母淳欽。皇后  
蕭氏。幼聰敏好學。外寬內繁。神冊元年春。立為皇太子。時太祖問侍臣曰。  
受命之君。當事天敬神。有大功德者。朕欲祀之。何先。皆以佛對。太祖曰。佛  
非中國教。倍曰。孔子大聖。萬世所尊。宜先。太祖大悅。既建孔子廟。詔皇太  
子春秋釋奠。嘗從征烏古。完項。為先鋒都統。及經畧燕地。太祖西征。留倍  
守京師。因陳取渤海計。天顯元年。從征渤海。拔扶餘城。上欲括戶口。倍諫  
曰。今始得地。而科民。民必不考。若未破竹之勢。徑造忽汗城。克之必矣。太  
祖從之。倍與大元帥德光。為前鋒。夜圍忽汗城。大譟。譟窮蹙。請降。尋復  
太祖破之。改其國曰東丹。各其城曰天福。以倍為人皇王。主之。仍賜天子  
冠服。建元甘露。稱制。置左右大次四相。及百官。一用漢法。歲貢布十五萬

水滸大典卷五十二百五十五

西

端。馬千匹。上諭曰。此地瀕海。非可久居。留汝撫治。以見朕愛民之心。駕將  
還。倍作歌以獻。陸辭。太祖曰。得汝治東土。吾復何憂。倍號泣而出。遂如儀  
坤州。未幾。諸部多叛。太元帥討平之。太祖許至。倍即日奔赴山陵。倍知皇  
太后意欲立德光。乃謂公卿曰。大元帥功德及人神。中外攸屬。宜主社稷。  
乃與群臣請於太后。而讓位焉。於是大元帥即皇帝位。是為太宗。太宗既  
立。見疑。以東平為南京。徙倍居之。蓋遷其民。又置衛士。陰伺動靜。倍既歸  
國。命王繼遠撰建南京碑。起書樓于西宮。作樂田園詩。唐明宗聞之。遣使跨  
海持書。索召倍。倍因畝海上。使再至。倍謂左右曰。我以天下讓主上。今反  
見疑。不如適他國。以成吳太伯之名。立木海上。刻詩曰。小山壓大山。大山  
全無力。羞見故鄉人。從此投外國。携高美人。載書浮海而去。唐以天子儀  
衛迎倍。倍坐殿。康官陪列。上壽。至汴。見明宗。明宗以莊宗后夏氏。妻之。  
賜姓東丹。名之曰慕善。改端州為懷化軍。拜懷化軍節度使。瑞慎等州。觀  
察使。復賜李姓。名贊華。移鎮滑州。遣領夏州節度使。倍雖在異國。常思其  
親。問安之。使不絕。後明宗養子從珂。弑其君。自立。倍密報太宗曰。從珂弑  
君。盡討之。及太宗立石敬瑭為晉主。加兵于洛。從珂欲自焚。召倍與俱。倍  
不從。遣莊士李彥紳害之。時年三十八。有一僧為收瘞之。敬瑭入洛。喪服

永樂大典

卷五二五二

臨哭。以王禮權屠。後太宗改葬于暨巫閭山。謚曰文武元皇帝。世宗即位。謚讓國皇帝。度曰顯陵。統和中。更謚文獻。重熙二十年。增謚文獻。欽義皇帝。廟號義宗。及謚二后。曰端順。曰柔貞。倍初市書至萬卷。歲于暨巫閭絕頂之望海堂。通陰陽。知音律。精醫藥。及燭之術。工遼漢文章。嘗譯陰符經。善畫本國人物。如射騎。獵雪騎。千鹿圖。皆入宋秘府。然性刻急好殺。婢妾微過。常加剝灼。夏氏懼而求削髮為尼。五子。長世宗。次妻國。稍隆先道隱。各有傳。契丹國誌。諸王傳。東丹王。東丹王名突欲。太祖長子。母曰達律氏。太祖攻渤海。拔其夫餘城。更名曰東丹國。命其長子突欲鎮東丹。號人皇王。時唐明宗初年也。太祖崩於渤海。述律后使少子安端少君守東丹。與長子突欲奉太祖之喪。發渤海。先是突欲鎮東丹時。乃渤海國亦有宮殿。被十二旒。冕服。皆畫龍像。稱制行令。凡渤海左右平章事。大內相。已下。百官皆其國自除授。歲貢契丹國細布五萬匹。氈布十萬匹。馬一千匹。太祖崩。述律后愛中子德光。欲立之。至西樓。命與突欲俱乘馬立帳前。謂諸將曰。二子吾皆愛之。莫知所立。汝曹擇可立者。飲其嚮。諸將知其意。爭躍躍曰。願事元帥太子。后曰。泉之所欲。吾安敢違。遂立之。為天皇王。稱皇帝。突欲懼。帥數百騎欲奔唐。為邏者所遏。后不罪。遣歸東丹。唐明宗長興元年。

永樂大典卷五二五二

五

突欲自以失職。帥部曲四十人。越海自登州奔唐。明宗賜姓東丹。名慕華。以為懷化節度使。瑤鎮等州觀察使。其部曲及先所俘將。湯隱等。皆賜姓名。湯隱姓狄。名懷惠。次年明宗更賜東丹慕華姓名。曰李贊華。明宗長興三年。以贊華為義成節度使。選朝士為僚屬。輔之。贊華但優游自奉。不豫政事。明宗嘉之。雖時有不法。亦不問。以莊宗後宮夏氏妻之。贊華好飲人血。姬妾多刺臂以吮之。婢僕小過。或扶目。或刀刺火灼。夏氏不忍其殘。奏離婚為尼。贊華之肆虐。乘船踰海。因於海岸立木為碑。惟書二十漢字。詩云。小山歷大山。大山全無刀。羞見故鄉人。從此投外國。贊華性好讀書。不喜射獵。初在東丹時。令人賣金寶。私入幽州市書。載以自隨。凡數萬卷。置書堂於暨巫閭山。上扁曰望海堂。以而王海自三十里有望海寺也。肅王末年。石晉內應。求援契丹。肅王已危。乃遣宦者秦繼昊。皇城使李彥紳。杖之。贊華遇害於其弟石晉。詔贈贊華燕王。遣使送其喪歸國。其後太宗破石晉。入中原。求得李彥紳。秦繼昊。杖之。以其家挾財物。賜東丹王子元欲。元欲後即位。為世宗。美之暨巫閭山。謚讓國皇帝。平王隆先。字國隱。母大氏。景宗即位。始封平王。未幾兼政事令。留守東京。薄賦稅。省刑獄。恤嫁寡。數薦賢能之士。後與統軍耶律室魯討高麗有功。還。薨。葬暨巫



閻山之道隱谷平王為人聰明博學能詩有間苑集行于世保寧之子其  
 子陳哥與渤海官屬謀殺其父東兵作亂上命報裂于京晉王道隱字留隱母  
 高氏道隱生于唐八皇王遣李從珂之害時年尚幼洛陽僧匿而養之因  
 名道隱太宗滅唐還京詔賜外羅山地居焉性沉靜有大武才時人稱之  
 景宗即位封蜀王為上京留守乾亨元年遷守南京號金嚴廟民獲安焉  
 居數年徙封荆王統和初病薨追封晉王論曰自古新造之國一傳而  
 太子讓豈易得哉遼之美宗可謂盛矣然讓而見疑豈不兆於建元稱制  
 之際乎斯則一時君臣昧於禮制之過也東書浮海奇跡他國思親不忌  
 則安不絕其心甚有足諒者焉觀其始慕叔伯之賢而為遠適之謀終疾  
 陳恒之惡而有請討之舉志趣之卓蓋已見於早歲先祀孔子之言然善  
 不令終天道難詰得非性下嗜殺之所致也雖然終遼之代賢聖繼統皆  
 其子孫至德之報昭然在茲矣章肅皇帝小字李胡一名洪吉字真隱  
 太祖第三子母淳欽皇后蕭氏少勇悍多力而性殘酷小怒輒殺人而或  
 投水火中太祖嘗觀諸子戰李胡縮項卧內曰是必在諸子下又嘗太寒  
 命三子採薪太宗不擇而取最先至八皇王取其乾者東而歸後至李胡  
 取少而素多既至袖手而立太祖曰長巧而次成少不及矣而母為愛李

水滸大典卷之三十三

六

胡天顯五年遣洵地代北攻襄州多俘而還遂立為皇太弟兼天下兵馬  
 大元帥太宗親征常留守京師世宗即位鎮陽太后怒遣李胡將兵擊之  
 至秦德泉馬安端留哥所敗太后與世宗隔潢河而陣各言舉兵意耶律  
 屋質入諫太后曰主上已立宜許之時李胡在側作色曰我在兀欲安得  
 立屋質曰奈公酷暴夫人心何太后顧李胡曰昔我與太祖愛汝異於諸  
 子汝云偏倚之子不保業難得之婦不主家我非不欲立汝汝自不能矣  
 及會議世宗使解劔而言和約既定赴上京會有告李胡與太后謀廢立  
 者徙李胡祖州禁其出入穆宗時其子喜隱謀反詳達李胡囚之死獄中  
 年五十其王奉山西谷統和中追謚欽順皇帝重熙二十年更謚章肅后  
 曰和敬二子宋王喜隱衛王完喜隱字完德雄偉善騎射封趙王慮屠中  
 謀反事覺上臨問有狀以親釋之未幾復反下獄景宗即位聞有赦自去  
 其械而朝上怒曰汝罪人何得擅離禁所詔誅守者復寘于獄及改元保  
 寧乃宥之妻以皇后之姊復封王宋喜隱輕保無恒小得志即驕上嘗召  
 不時至怒而鞭之由是憤怨謀亂賊而復召適見上與劉桂无書辭意卑  
 遜諫曰本朝於漢為祖書旨如此恐斷團體帝尋改之授西南面相討使  
 命之河東索吐蕃戶稍見進用復誘群小謀叛上命械其手足禁園上囚

祖州。宋降卒二百餘人。欲劫立喜隱。以城堅不得入。立其子留禮壽。上京留守除室倫之。留禮壽伏誅。賜喜隱死。論曰。李胡殘酷驕盈。太祖知其不才。而不能教。太后不知其惡。而溺愛之。初以屋質之言。定立世宗。而復謀廢立。子孫繼以逆誅。并及其身。可哀也已。夫自太祖之世。刺為安端。首倡禍亂。太祖既不之誅。又復用之。固為有君人之量。然惟太祖之才。足以駕馭庶乎其可也。李胡而下。宗王反側。無代無之。遼之內難。與國始終。厥後嗣君雖嚴法以繩之。卒不可止。烏庫。創業垂統之主。所以胎厥孫謀者。可不審歟。順宗名濬。小字耶魯幹。道宗長子。母宣懿皇后蕭氏。幼而能書。好學知書。道宗嘗曰。此子聰慧。殆天授歟。六歲封梁王。明年從上獵。夫連發三中。上顧左右曰。朕祖宗以來。騎射絕人。威震天下。是兒雖幼。不墜其風。後遇十鹿。射獲其九。帝喜設宴。八歲立為皇太子。大康元年。兼領北南樞密院事。及母后被害。太子有憂色。耶律乙辛。為北院樞密使。常不自安。會護衛蕭忽古。謀害乙辛。事覺。下獄。副點檢蕭十三。謂乙辛曰。臣民心屬太子。公非闕闕。一日若立。吾輩措身何地。迺與同知北院宣徽事蕭特裏持謀。搆陷太子。陰令護尉太保耶律查剌。誣告都宮使耶律撒剌。知院耶律速撒。復搆蕭忽古。謀廢立。詔案無迹。不治。乙辛復令碑印耶律蕭訛都

永樂大典卷五千五百五十一

七

幹等。言查剌前告非妄。臣實與謀。欲殺耶律乙辛等。然後立太子。臣若不。言。恐事發連坐。帝信之。幽太子于別室。以耶律燕哥鞫案。太子具陳枉狀。曰。吾為儲副。尚何所求。公當為我辨之。燕哥乃乙辛之黨。易其言為欺。伏上大怒。廢太子為庶人。將出。曰。我何罪至是。十三叱登車。遣衛士圍其扉。徙于上京。因圍堵中。乙辛尋遣達魯古撒八往害之。太子年方二十。上京留守蕭捷得。給以疾養。閉上哀之。命有司築龍門山。欲召其妃。乙辛陰遣人斂之。帝後知其寃。悔恨無及。謚曰。昭懷太子。以天子禮改葬玉奉山。乾統初。追尊大孝順聖皇帝。廟號順宗。妃蕭氏貞順皇后。一子廷禧。即天祚皇帝。論曰。道宗知太子之賢。而不能辨乙辛之詐。竟絕父子之親。為萬世惜。乙辛知為一身之計。不知有君臣之義。豈復知有太子乎。姦邪之臣。亂人家國如此。可不戒哉。可不戒哉。晉王。小字放盧幹。天祚皇帝長子。母曰。文妃蕭氏。甫髻亂。馳馬善射。出為大丞相。耶律隆運後封晉王。性素道人善。而矜人不能。特官中見讀書者。輒斥。放盧幹嘗入寢殿。見小底茶刺。因取觀。會諸王至。陰袖而歸之。曰。勿令他人見也。一時號稱長者。及長。積有人望。內外歸心。保大元年。南軍都統耶律余覲。與其母文妃密謀立之。事覺。余覲降金。文妃伏誅。教盧幹。實不與謀。免。二年耶律撒八等

復謀立。不克。上知赦盧幹得人心。不忍加誅。令縱殺之。或勸之亡。赦盧幹曰。安忍為最爾之軀。而失臣子之大節。遂就死。聞者傷之。論曰。天祚不君。臣下謀立其子。適以殺之。赦盧幹重君父之命。不亡而死。申生其恭矣乎。契丹德恭順皇帝。自在太子。名阮。太祖第三子。母曰。迷律氏。少豪俠。有智略。善彈。工射。太祖奇之。曰。吾家鉄兒兒也。征渤海時。山坂高峻。士馬憚勞苦。太子徑於東谷綠崖而進。屢戰有功。後渤海平。封為自在太子。尋薨。葬於祖州。追謚曰。恭順皇帝。一子。拽刺。封趙王。為景宗所害。孝文皇太子。孝文皇太子弟。隆慶。番名菩薩奴。母曰。蕭氏。景宗第二子。生而岐嶷。儼若成人。幼時與群兒戲。為行伍戰陣法。指揮意氣。無敢違者。景宗奇之。曰。此吾家主馬駒也。長善騎射。馳捷如風。定州之戰。隆慶封為梁王。加兵馬大元帥。從其母前后以行。力戰深入。與擒王權忠有功。拜西京留守。封泰晉國王。入拜尚書令。尋薨。葬祖州。謚曰。孝文皇太子。齊國王隆裕。齊國王隆裕。番名高七。母曰。蕭氏。景宗第三子。性沉毅。美姿容。始封鄆王。遷授西南面招討使。拜吳國王。自少時慕道。見道士則喜。後為東京留守。崇建宮觀。備極輝麗。東西兩廡。中建正殿。接連數百間。又別置道院。延接道流。誦經宣懺。用素饌薦獻。中京往往化之。後蕭太后一年而薨。追封齊國

永樂大典卷五千一百五十五

六

王。晉王宗元。晉王宗元。與宗同母弟也。少而雄耿。狠復過人。始封鄆王。又加兵馬大元帥。封晉國王。性極殘忍。每出一囚犯。死罪者命衆集射斬而償之。流血滿前。飲酒自若。意志不臣。每伺時釁。洪基嗣立。奉長樂之命。以馬皇叔。後因避獵。伺間弑帝。左右遮救。侍死。宗元併其子洪孝。及謀。晉王宗懿。晉王宗懿。番名查箇只。聖宗弟。孝文皇太子隆慶之子也。少有氣局。幹畧過人。聖宗雅愛諸姪。每誡之曰。汝勿以才能凌物。勿以富貴驕人。惟忠惟孝。保家保身。始封中山王。歷龍化州。統建宜平州。節度使。改封晉王。薨。燕王洪道。燕王洪道。番名叱地好。道宗同母弟也。頗有武畧。庫莫奚侵擾。詔洪道討之。洪道伏兵林中。佯敗而走。奚掠輜重。洪道與伏兵合擊之。盡殲。後渤海高顯樂反。又命洪道討之。終於燕京留守。封燕王。梁王信寧。梁王信寧。番名解里北。大王烏幹之子。始以祗候郎君。授林牙。雲州。奉聖州。蔚州。節度使。同平章事。與帝同謀。遂太后出宮。拜南大王。北大王。楊隱。南宰相。封梁王。加尚父致仕。論曰。后不可並。並后則傾。嫡不可匹。匹嫡則危。契丹起自朔荒。吞噬上國。嫡庶之分。亦安知之。元帥太子之稱。不以屬之突欲。而以屬之德光。則其立國之初。已可議矣。既而述軌生間鼎之謀。宗元受皓首之戮。亦何怪其然哉。遼史國語解史

永樂大典

卷五二五二

自遼國以迄晉唐其為書雖深浩博讀者未能盡曉於是裝調顏師古李  
 賢何超董衡諸儒訓詁音釋然後制度名物方言奇字可以一覽而周知其  
 助於後學多矣連之初興與冥室章密邇土俗言語大槩近俚至太祖太  
 宗奄有朔方其治雖參用漢法而先世奇首通華之制尚多存者子孫相  
 繼亦遵守而不易故史之所載官制官衛部族地里率以國語為之稱號  
 不有註釋以辨之則世何從而知後何從而考哉今即本史參互研究撰  
 次遼國語解以附其後庶幾讀者無齟齬之患云 禮祭東 國俗凡祭  
 皆東向故曰祭東 敵烈麻都 掌禮官 旗鼓拽判 拽判官名軍制  
 有拽判司此則掌旗鼓 奠節 歲時雜禮名 九奠首 奠首管帳名  
 食致之次 大行殯出群臣以羶羊祭于路名曰食致之次 殯祭上  
 於陝切凡出征以牝牡庶各一祭之曰殯詛敵也 勒箭 車駕遠路問  
 門使持雄箭勒箭官持雄箭比較相合而後入宮 擔狀 一人肩任曰  
 擔 兩人以下共昇曰林 攢隊 士卒攢隊各為隊伍 方相祭殿 凡  
 御宴官卑地坐殿中少敬之上其不應升殿則賜座左右朵殿地拍 田  
 鼠名正旦日上於臆間擲米團符隻數為不利則燒地拍鼠以禳之 迺  
 担伊呢 正月朔旦也 押里討 押讀作押討讀作頗二月一日也 六

永樂大典卷五二五二

九

月十八日宴國舅族亦曰押里討 陶里樺 上巳日射兔之節名 討  
 賽伊呢 重午日也 賽伊呢者 日辰之好者 捏褶耐 犬首也  
 必里遲離 九重月也 戴粹 燒甲也 炒伍伍耐 戰名也 卓帳  
 卓立也帳種廬也 百官志 石烈辛亥 石烈官之長 令穩 官  
 名 彌里馬特本 官名後陞辛亥 麻普 即麻都不縣官之副也初  
 名連刺于 知聖旨頭子事 掌誥命奏事官 提轄司 諸官典兵官  
 皮室 軍制有南北左右皮室及黃皮室皆掌精兵者 廳房 即工  
 部 梅里 貴戚官名迷律皇后族有慎思梅里妻姑梅里未詳何職  
 抹鵲 无里司之官 先離捷覽 美勃海等國官名疑即捷林字訛營  
 衛志象吻 黃帝治官室陶虫尤象置棟上名曰虫吻 无里 官府名  
 官帳部族皆設之凡官室外戚大臣犯罪者家屬沒入於此 抹里 官  
 府名刷撒拔亦抹里官之一 算幹魯朵 算腹心拽判也幹魯朵官也  
 已下國阿輩至監安皆幹魯朵名其注語則始置之義也 國阿輩 奴  
 國也 奪里本 討平也 耶魯益 興旺也 滿速益 義興耶魯魯  
 同 女古 金也 孤穩 玉也 窩萬盤 慈息也 阿斯 實大也  
 阿魯益 輔佑也 得夫得本 孝也 監母 遺留也 也里誌 屬


珊瑚 應天皇后。從太祖征討。所得人戶。有技藝者。隸之旅下。名爲珊瑚。蓋北  
 珊瑚之寶。永州 其地居潢河土河。二水之間。故名永州。蓋以字從二  
 從水也。鄭頤上表。各切下胡結切。渤海郡府名。且慮皆干聲。與中  
 府縣名。騷養上音。幽州澤數名。見周職方。苗特。幽州浸名。出同  
 上。瑩瑰 門名。遠有瑩瑰部。野旆寅。野謂星野。旆謂驢次。寅者辰  
 舍。東北之位。燕分析津之所也。儀衛誌。金匱下。祖末切。馬首飾也。果下  
 馬。馬名。謂果樹下可乘行者。言其小也。實里辟家。祭服之冠。行拜  
 山禮則服之。鞞鞞帶上地。楊切。下。杖。留切。武官束帶也。杆腰。即拉  
 腰。以鵝項鴨頭爲之。胡木登。胄名。鞞。馬工音。徒馬不施鞍轡曰鞞。  
 白駝青絳。以白駝羽爲網。又崩也。兵衛誌。捉馬。拘刷馬也。欄子軍  
 居先鋒前。二十餘里。偵候敵人動靜。弓箭舖。遼軍馬頓舍不設。營  
 壘折木稍馬弓。以爲圍集之所。又諸國使來。道旁茶置木稍弓。以充欄捕  
 食貨誌云。爲戶。義即營運字之託也。刑法誌。鐘院。有寬者。擊鐘以連  
 下上。猶恐鼓云。楚古。官名。字北面。訊囚者。皇子末五石烈。即五  
 院。非是分院。馬五。以五石烈爲一院也。六爪。爪百數也。遼有六百家  
 美。後爲六院。義與五院同。二院。即迭刺部。析之爲二。百是也。裂麕皮

木業大典卷五千三百五十五

字

麕。拉鹿。力能分牡鹿皮。先世表莫弗統。諸部酋長稱。又云莫弗賀  
 瑞。瑞而五切。圍名。俟斤。突厥官名。遼幸表。碌。碌。鹿。鹿性嗜。酒。酥  
 於地。以誘鹿射之。女珠。虞人名。列傳。可敦。突厥皇后之稱。  
 咸里蹇。遼皇后之稱。捋里磨。磨亦作改。捋。幹。后。土。稱。磨。母。稱。乙  
 室拔里。國舅帳二族名。諸功臣。傳。龍。錫。金。佩。太祖從兄。鐸。骨。札。以  
 本帳下。蛇。鳴。命。知。蛇。語。者。神。速。姑。解。之。知。蛇。謂。穴。旁。樹。中。有。金。往。取。之。果  
 得金。以爲帶。名。龍。錫。金。撒。刺。酒。樽。名。遼。華。札。遼。華。帳。下。事。也。其  
 言。本。與。官。分。札。十二。行。札。黃。皮。室。札。者。做。此。吐。里。官。名。與。奚。六。部。充  
 里。同。吐。无。字。訛。般。殿。小。底。官。名。遼。制。多。小。底。官。餘。不。注。雜。丁。黃  
 樓。男。幼。爲。黃。四。歲。爲。小。十。六。爲。中。二十。一。爲。丁。軍。中。雜。幼。弱。以。既。敵。也。  
 遼。華。魁。遼。華。帳。下。掌。兵。官。抵。極。官。衛。門。外。行。馬。也。楛。極。牽。千  
 歲。蛇。角。又。爲。萬。納。牽。珠。二。排。下。音。林。切。珠。五。百。枚。爲。排。題。里。司徒  
 題。里。官。府。名。座。中。上。座。東。切。地名。堂。印。博。之。采。名。臨。庫。以。帛  
 爲。通。肩。具。一。庫。之。物。畫。數。藉。之。曰。胎。庫。堂。帖。遼。制。宰。相。凡。除。拜。行。頭  
 子。堂。帖。權。差。俟。再。取。二。日。出。給。告。勅。故。官。有。知。頭。子。事。見。陰。山。雜。錄。夷  
 高。董。畫。者。畫。者。人。名。爲。夷。高。董。官。虎。斯。有。力。稱。紀。言。虎。斯。義。同。

連世系圖



歷代帝王纂要譜括遼、小契丹太宗改號遼太祖。名德子河保。母曰宣簡皇后蕭氏。唐高祖十三年生於母。日墜懷中。遂有娠。及長。雄勇有異。則靈夜常有光。併吞諸部。與梁爭。遂和。及國新大。遂稱皇帝。在位十九年。壽五十五。諡曰高皇帝。葬祖陵。稱元年。有神異。天贊曰。太宗名德光。子德讓。太祖第二子。母馮氏。唐天復二年。生。神光異常。為人雄傑。改國號遼。滅後唐。立後晉。後收晉。入大梁。四軍至。樂城。祖。在位二十二年。壽四十六。諡孝成皇帝。葬懷陵。天顯十。會同十六。世宗名阮。太祖長子。史欲弑之。母曰柔貞皇后蕭氏。請將立之。於子。酒色。為蔡割所執。在位五年。壽三十四。諡孝和。葬顯陵。天保五。穆宗名。塔。太宗長子。母曰靖安皇后蕭氏。好獵。嗜酒。置常騎八。皆之。使王。為。人。可。在位十九年。壽三十九。諡孝安。政。正。後附葬懷陵。應律十九。景宗名。世宗第二子。母曰懷節皇后蕭氏。亦弱。喜音樂。色。之。市。有。風。疾。不。能。跨。馬。國。事。決。於。皇。后。蕭。氏。由。是。衰。矣。在。位。十。三。年。壽。三。十。五。諡。孝。成。皇。帝。保。寧。十。乾。亨。四。聖。宗。名。隆。緒。景。宗。長。子。十。二。歲。即。位。母。蕭。太。后。臨。朝。復。稱。契。丹。宋。真。宗。時。與。宋。爭。戰。後。定。和。議。以。宋。為。兄。遼。為。弟。在。位。四。十。九。年。壽。六。十。一。諡。曰。文。惠。大。孝。宣。皇。帝。統。和。二。十。九。創。大。元。太平

永樂大典卷五千二百五十二

五

十一。興宗。名宗真。聖宗長子。母曰秋辰皇后蕭氏。在位二十四年。壽四十七。諡曰神聖孝章皇帝。景福。重熙二十二。道宗名洪基。興宗長子。母曰仁懿皇后蕭氏。在位四十七年。壽七十。諡曰仁聖大孝文皇帝。清寧七。咸雍十。大康十。大安十。壽隆七。天祚。名延禧。道宗之孫。則實。道。好。禽。色。女。真。攻。斃。大。金。興。宗。夫。攻。之。為。其。所。殺。降。封。海。州。王。平。在。位。二。十。四。年。壽。五。十。四。乾。統。十。天。慶。七。保。大。四。右。達。兀。主。共。二。百。十。平。括。曰。大。祖。太。宗。始。創。業。世。穆。景。聖。興。道。統。天。祚。以。上。共。九。百。二。百。十。平。全。所。滅。

永樂大典卷之五千二百五十二

永樂大典

卷五二六八

重錄總校官侍郎巨萬

學士巨瞿景淳

分校官修撰巨丁士美

書寫辨筆吏巨張人祥

總點監士巨雷承化

巨